

Uunga

Aalisarnermut Piniarnermullu Naalakkersuisoqarfik

Departementet for Fiskeri og Fangst

Mailikkuinnaq ukununga nassiunneqassaaq: [APN@nanoq.gl](mailto:APN@nanoq.gl) aamma cc. [jepa@nanoq.gl](mailto:jepa@nanoq.gl), [thra@nanoq.gl](mailto:thra@nanoq.gl)

19. december 2024

### **Tusarniaanermut akissut – Aalisarnerup teknikkikkut iluarsartuussivigineqarnera pillugu Namminersorlutik Oqartussat siunnersuutaat**

Polar Seafood Greenland A/S taassumalu piginneqatigiiffiutai aammalu piginneqatigiiffiuteqaqataaffi (PSG) sinnerlugit, Namminersorlutik Oqartussat aalisarnerup teknikkikkut iluarsartuussivigineqarnera pillugu nalunaarutissamut siunnersuutaat, ulloq 21.11.2024 tusarniaassutitut nassiunneqartumut matumuuna akissuterput nassiupparput.

#### **Aallaqqaasiut**

PSG-mut sunniinerpaasussaq tassaavoq, nalunaarummi siunnersuutigineqarmat aalisariutit, aallaavittut killeqarfiup iluani 3 sømilip iluani aalisarnissamik kissaateqartut, annerpaamik 40 meterinik l.o.a. takissuseqarnissaannik (længde overalt) /1.000 BT (brutto tons) siunnersuut. Aalisariutilli 40 meterinik takinerit taarserneqarnissamik tungaanut pisarnermissut aalisarnerminnik ingerlatsiinnarsinnaapput.

Aammattaaq 01.01.2025 atuutilersumik "Disko-karsi"-mik taasakkap iluani aalisariutinut tunisassiornissamut akuersissuteqartunut raajarniarnissaq inerteqqutaalissaaq, pisat tamakkerlugit nunami tunisassiorfinnut tulaanneqassanngippata.

Allannguutit PSG-mut aamma aalisarnermut ingerlatsisunut allanut inuiaqatigiinnullu kalaallinut pitsaanngitsumik sunniuteqassapput, tamakkulu ataatungaani eqqartorneqassapput.

#### **Oqaaseqaatit aalajangersimasut piviusulli**

##### **§ 4**

Ilimagaarput assagiarsunniarnerup, raajarniarneq qaleralinniarnierlu assigalugit, ilanngunneqarsimannginnera kukkunerusoq. Assagiarsunniarneq ilanngunneqartussaangilaq, tassami aalisariutit tamakkunanga aalisartut 17 meterinik takinerummata aammalu/imaluunniit 120 B-nit annerullutik.

## § 5, imm. 1 aamma 2

Tassani pineqarpoq aalisariutit 40 l.o.a. imal. 1.000 BT-it sinnerlugit angissusillit 3 sòmilit iluani raajarniarnissaat akuerineqanngitsoq. Aalisariutilli nalunaarutip atuutilerfiani piffimmi tassani aalisarnissamut akuersissuteqartut aalisaannarnissamut akuerineqartut, aalisariulli taarserneqarpat akuersissut atuukkunnaassasoq.

PSG-p aalisariutinut marlunnut tunngaviusumik killeqarfimmit 3 sòmilit iluani aalisarnissamut akuersissutit pigai, tassa "Disko-karsi"-mi.

- Polar Qaasiut ima uuttuutilik: 70,5 m l.o.a. 3.377 BT-nillu oqimaassusilik
- Polar Arfivik ima uuttuutilik: 42,1 m l.o.a. 717 BT-nillu oqimaassusilik

Aalisariutit taakku marluk Disko-karsimi, taarsigaanissamik tungaannut aalisaannarsinnaassapput, aalisariutilli taakku angissusissamik eqqortitsinnginnamik, "nutaajusuugunik" aalisarnermut ilaatinneqarsinnaassanngikkaluarpot.

### Aalisariutit angissusaannik naleqqussaaneq

Aalisarnermut inatsimmi oqaaseqaatini takuneqarsinnaavoq "...Naalakkersuisunut pingaaruteqarluinnartoq, piffissaq ungasissoq eqqarsaatigalugu aalisarnermut inatsisip inuiaqatigiit aningaasaqarnerannut pitsaanerpaamik pissarsissutaanissaa (oqaaseqaatini qup.1)", aammalu ..."iluaquteqarneq aningaasaqarnikkut sapinngisamik annerpaamik iluanaarutaassasoq (oqaaseqaatini qup. 2)".

Raajakarsimili angallatit angissusissaannik killilersuineq piumasaqaatinut taakkununga assortuuppoq.

Nalunaarummi angallatit nutaat, killeqarfiup iluani, tassalu Disko-karsimi, taamaallaat annerpaamik 40 meterinik l.o.a. aamma max. 1.000 BT -unissaannik taasat pillugit misissuinerit sunik tunngaveqarpat?

Matumuuna kajumissaarutigaarput Oqartussat killilersuutit atuutilersitsinissamut tunngavilersuutit saqqummiussinissaat, tassungalu ilanngullugu angallatinik nutaanik sanasoqassagaluarpot tamatuma qanoq sunniuteqarsinnaaneramik misissuisoqarsimanersoq.

Angallatit pisinnaasaannik killilersuiniarnikkut angallatit piffinni pineqartuni atorluarneqarsinnaaneramik inatsisiliortut aqutsiniarsarippot, taamaattumillu aalisarnermik ingerlatsisut angallatinik nutaanik akilersinnaanngitsunik, aammalu ullutsinnut naleqquttumik isumannaatsuumik, atugarissaarnermik aamma imaluunniit tamatigoortumik ingerlatsinissamik eqqortitsinissaq ajornarsitillugu.

Aalisarfimmi tassani angallatinik nutaanik, aaqqissugaanermikkullu naleqqutinngitsunik, taamatullu akilersinnaanaviannngitsunik atulersitsinermut taarsiullugu §5-mi angallatit

angissusissaannik killiliiniarnerup (maleruagassiaq)L malillugu takissuseq 50 meterinngortillugu allanngortinnissaa siunnersuutigaarput.

Taamatut iliornikkut angallatit nutaat akilersinnaasumik ingerlanneqarsinnaasut aammalu inuttanut angallammullu tamakkiisumik atugarissaarnissamik isumannaatsuunissamillu unioqquitsinngitsut sananeqarsinnaasariaqarput.

### § 5, imm. 3

Tassani takuneqarsinnaavoq raajat "Sisimiut-karsimi" aamma "Disko-karsimi" pisarineqartut kilisaammi tunisassiarineqarsinnaanngitsut, nunamilu suliffissuarni tunisassiarisassatut tulaanneqassasut.

Aalajangersagaq taanna ikaarsaariarfissalernerneqanngilaq taamalu 01.01.2025 atulissaaq.

Tassalu allannguinerit annertuut, aalisarnermik ingerlatsisut allannguinnissamut perifissinnagit, Oqartussaniit pinngitsoornani atuutilersinneqarput.

Aalajangersagaq, akuersissutigineqassaguni, inatsisip siunertaanut Naalackersuisunullu pingaarluinnartumut, tassa piffissaq ungasissoq eqqarsaatigalugu aalisarnermut inatsisip inuiaqatigiit aningaasaqarnerannut pitsaanerpaamik pissarsissutaanissaa (oqaaseqaatini qup.1)", aammalu ..."iluaquteqarneq anginaasaqarnikkut sapinngisamik annerpaamik iluanaarutaassasoq (oqaaseqaatini qup. 2)", assortuuppoq.

### Aalisarneq unammillernartunik aqquusaagaqarpoq.

Nalunaarutip raajarniarnerup unammillernartunik aqquusaagaqarnera nalaarppaa. TAC apparpoq, raajat pisarineqartartut angisuut ikilipput, mikisullu amerlillutik, taamaattumillu pisat amerlanersaat tunisassiornermi atorineqartarput, ikinnerillu avammut tunisassiarineqartarlutik.

Raajarniarnerup ukiuni kingullerni akilersinnaasumik ingerlanneqarnera ukiuni tulliuuttuni annertuumik unammillernartunik aqquusaagaqassaaq.

Nunatta karsiata raajarniarnermit isertittagai appariassapput, ukiorpassuunngitsut matuma siornatulli annertussuseqaannalerlutik. Tassunga ilanngullugu akileraarutit A-nit isertittakkat ikileriassapput taamatullu aamma ingerlatsiviit sinneqartoorutiminnik akileraarutaat appariarlutik, uagullu naliliinerput malillugu, ukiuni tulliuuttuni nunatta karsiata raajarniarnermit isertittagai 200 mio. kr.-nik ikileriassapput, tamannalu 2024/2025 -mi sunniuteriissaaq.

Pissutsillu taakku 2025-mut Aningaasaqarnermut inatsimmi ilanngunneqarsimangilluinnarput, tassanimi aalisarnermit akitsuutinit isertitassat amerleriarnissaat, ikileriarnatik, naatsorsuutaavoq.

### Aalajangersakkap nassataanik aningaasaqarnermut sunniutaasussat.

Tassunga nalunaarummut qulaani taaneqartoq ilanngunneqassaaq, tassanimi Oqartussat angallatit "Disko-karsimi" aalisartut angallammi tunisassiorsinnaanerini akuersissutaannik atorunnaarsitsiniarmata, taarsiullugulu piumasaralugu pisatik tamaasa tulaatassagaat.

Ukiuni kingullerni piffimmi tassani ukiumut 14.500 tonsit miss. aalisarneqarput, angallatillu tassani aalisarnerminniit aalisarnermut akitsuutit 70 mio.kr.-nit missaannik ukiumut akiliisarlutik. Inuttat akileraarutitut A-nut 50 mio.kr.-nik akiliuteqartarput, ingerlatsiviillu il.il. sinneqartoorutiminnik akileraarutaat aamma ilanngunneqassapput. Tassa Nunatta karsiata ukiumut katillugit minnerpaamik 150 mio.kr.-nit aalisarnermit isertittarpai.

Nalunaarut massakktut isikkoqarluni akuerineqarpat, piffimmilu tassani aalisarneq taamaaginnarluni, pisalli tamakkerlugit nunami suliffissuarnut tulaanneqartalerpata, ima kinguneqassaaq:

- Aalisarnermut akitsuutit aammalu akileraarutit A-nit isertittakkat 100 mio.kr.-nik ikileriassapput
- Aalisariutit inuttat isertitaat 35 mio.kr.-nik ikileriassapput
- Angallatit naatsorsuutit angusaat, aningaasalersuutigisanut aningaasartuutitut aammalu nutaanik aningaasaliinermut atorineqartarput, nungupajaassapput.

Aalisariutit ullumikkut "Disko-karsimi" qangaaniilli pisinnaatitaaffigalugu aalisartuutit taakkulu inuttaat nassuiaatitaqanngitsumik aalisarsinnaanermut akuersissutaannik arsaarneqarpat, inuiaqatigiit aningaasaqarnerannut annertuumik kinguneqartussaavoq, minnerunngitsumik piffissami matumani aalisarnerup annertuumik tatisimaneqarfiani, taamatullu iliuuseqarneq uagut isornartorqarteqaarput.

Tamakku nassatarissavaat kilisaatit anginerit raajakarsimi killilimmik aalisarnerat. Raajat suliffissuarni suliarineqartussat pingaartumik Sisimiunut Nuummullu tulaanneqartassapput, illoqarfiit taakku raajanik qerisunik suliarinninnissamut periarfissaqarnerummata, taamatullu aalajangersaanerup nassataanik Aasianni suliffissuaatigisarput matuneqarnissamut ulorianartorsiortuassaaq.

Aammattaq takorlooruminaappoq ukiuni tulliuttuni aalisarnerup iluani nutaanik angallatitaartoqarsinnaanera – takusinnaasarput malillugu aalisarnermut ingerlatsiumasinnaasut nutaat angallatitaarnissamut aammalu pisassanik pissarsinissamut aningaasaliisussarsinissamut periarfissaqanngillat, tassungalu ilanngunneqassapput avammut tunisassanik tunisassiornissamut piginnaasat il.il. eqqortinneqaqqaartussat pigilernissaat.

#### Pinngitsaaliissummik piginnikkunnaarsitsinissamut tunngatillugu isummersuut

Tulaassisussaataaneq tassaavoq nammineq pigisanik illersortarialinnillu piginnikkunnaarsitaaneq, tulaassisussaataanermimmi pisussaaffiliineq oqimaatsuuvoq, raajakarsimi aalisarnermik tunngaviummik allannortitsissammat.

Tassungalu ilanngullugu ikaarsaariarfissaliisoqanngilaq, tulaassisussaataaneq 1. januar 2025 atuutilissamat.

Tunisassiornissamat akuersissummik atorunnaarsitsinissaq piviusorsiortunik tunngavilersuutitaqanngilaq.

Namminersorlutik Oqartussat aalisarnermut inatsisip nutaap suliarinerani ilisimareersimagunarpaat, pinngitsaaliissummik piginnikkunnaarsitsilluni tulaassisussaataanermik atuutilersitsineq taarsiissuteqarnissamik nassataqassasoq, taamaatumillu tulaassisussaataanermik atuutilersitsinissaq ikaarsaariarfeqartariaqartoq (inatsimmut siunnersuut 19. marts 2024-meersoq, qupp. 72):

*"Tassungu atatillugu nunami suliffissuarni suliassaqaarnissap kissaatigineqarnera, aammalu allannguutit aalisarnermik ingerlatsisunut atugassarititaasunik ajornerulersitsisut (s.a. tulaassisussaataanerup annertunerulerneranik piumasaqarneq), piviusunngortissappata, Naalackersuisut taarsiissuteqarnissamik akisussaaffeqalersinnaaner at egqumaffiqineqassaaq.*

*Pisat tulaassassat Naalackersuisunit annertusineqassappata, tamannalu aalisarnermik ingerlatsisut aningasaqarnerinut ajornerulersitsissappat, allanquinissamik atulersitsinissamat periarfissaliineq nalilersoqqittariaqassaaq".*

Tulaassisussaataanermut piumasaqaammik 25%-miit 30%-mut allannguinermut ukiuni tallimani (sivikiginartumik) ikaarsaarfegarnissaq akuerineqarpoq, ilaatigut pinngitsaaliissummik piginnikkunnaarnissamat taarsiissuteqarnissamat piumasaqaateqartoqarnissaa pinngitsoortinniarlugu.

Nalunaarut taamatut isikkoqarluni piviusunngortinneqassappat, raajakarsini pisanik 100%-mik nunamat tulaassisussanngortitsilluni, inatsisit unioqqutillugit pinngitsaaliissummik piginnikkunnaarsitsinissap eqqartuussiviit aqqutigalugit suliassanngortinnissaanut immitsinnut pisinnaatippugut.

## § 6

Aalisariutit takissusaannut aamma BT-mut tunngasunut oqaaseqaatigeriikkavut innersuuppavut. Angallat annerpaamik nuuaniit aquanut 15 meterinik takissusilik atussallugu tulluanngilaq, ilaatigut aalisartut IOK / qaleralinniarnermut nuuttussat, akilersinnaasumik aalisassagunik aalisakkanik assigiinngitsunik aalisarnissaq ingerlatsinerminni pisariaqartissammassuk.

Takissutsip annerpaamik 24 l.o.a.-mut killilerneqarnissaa siunnersuutigaarput (tassa maleruagassamit L-imit pitsaanermik), BT-millu aalajangersimasumik piumasaqaatiqassanngilaq.

## § 7

Kissaatiginassaaq imm. 3 malillugu aalajangiinissaq, aalisarnermik inuussusissarsiutillit aammalu tulaassinermi tunisisarfiit, "assagiarsunnik aqilluttunik" peqarnerseq taakku ingerlaannaq malussartarmata, tusarniaavigeqqaarlugit piumaartoq.

**§ 11**

Aalajangersakkani sumiiffittut eqqartukkanut taaneqartunut tunngavilersuutinik, taamatuttaarlu aalajangiinermi suut tunngavigineqarnerisut paasinissaat maqaasivagut.

**§ 32**

Imm. 1-mi aalajangersakkap oqaasertai ersarinngillat. Maleruaqqusaq angallatinut 17 m l.o.a. aamma/imal. 120 BT-nut imaluunniit taakkunanga annernut atuuppa. Ersarinnerussagaluarpoq titarnerit aappaanni oqaaseq "aamma" atornagu "imaluunniit" atorneqarpat.

Taaqqissavarpullu iluarsartuussinermi BT- atornagu taamaallaat l.o.a., imaluunniit sulii pitsaanerussaaq (maleruagassiaq)L atorneqarpat.

Inussiarnersumik inuullaritsi  
Polar Seafood Greenland A/S sinnerlugu

  
Miki Jonas Brøns

  
Bent Salling